

სახელმწიფო შესყიდვების შესახებ N 95

(პროგრამული კოდი 311003)

წინამდებარე ხელშეკრულება დაიდო 2019 წლის „14“ „ივნისს“ ქ. თბილისში

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის მოთხოვნათა შესაბამისად, სსიპ ეროვნული სატყეო სააგენტოს მიერ სახელმწიფო შესყიდვის განხორციელების მიზნით, **საკუთარი სახსრებით, ელექტრონული ტენდერის საშუალებით** („სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად) (SPA190002778) (CPV - 77210000).

ერთის მხრივ **სსიპ - ეროვნული სატყეო სააგენტო** (შემდგომში **შემსყიდველი**) სააგენტოს უფროსის მოადგილის **დავით ალადაშვილის** სახით, მისამართი: ქ. თბილისი, გ. გულუას ქ. № 6, ს/კ 204578581. ტელ: 2753910. **საბანკო რეკვიზიტები: საბანკო რეკვიზიტები:** ცენტრალური ხაზინა, კოდი TRESGE22, ა/ა GE24NB0330100200165022. (კოდი: 1003). ხოლო მეორეს მხრივ, **შპს „ლება“**, (შემდგომში მიმწოდებელი) მისი დირექტორის **ლევან ბაკაშვილის** სახით. ს/კ 440394556. მისამართი: საქართველო, სიღნაღის რაიონი, ს. საქობო. ტელ: 551070904. (ელ. ფოსტა: ltleba@gmail.com). საბანკო რეკვიზიტები: ს.ს. „თიბისი ბანკი“, ბანკის კოდი TBCBGE22; ა/ა GE93TB7497936080100006. ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტ შორის დადებული წინამდებარე ხელშეკრულება, რომელიც ხელმოწერილია მხარეთა მიერ.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს მომსახურების მიწოდებას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანია: **რაჭა-ლეჩხუმის და ქვემო სვანეთის რეგიონში**, სავარაუდოდ (საორიენტაციოდ) **716,20 მ³** წიწვოვანი და ფოთლოვანი სახეობის (647,59 მ³ სოჭი, 68,61 მ³ წიფელი) ხე-ტყის/მერქნული რესურსის დამზადების მომსახურების გაწევა (შემდგომში მომსახურება) ამ ხელშეკრულების პირობებისა შესაბამისად.

3. მომსახურების ღირებულება

3.1 მთლიანი სახელშეკრულებო თანხა შეადგენს **53235,146 (ორმოცდაცამეტი ათას ორას ოცდათხუთმეტი ლარი და 14,6 თეთრი) ლარს, დღგ-ს ჩათვლით.**

3.2 ერთი მ3 ხე-ტყის დამზადების, შემსყიდველის მიერ მითითებულ ადგილზე ტრანსპორტირების და დასაწყობების მომსახურების ღირებულება შეადგენს **74,33 ლარს, დღგ-ს ჩათვლით.**

4. მომსახურების მიღება-ჩაბარება

4.1 მომსახურების მიღება წარმოებს ეტაპობრივად, მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, კონტროლის განმახორციელებელი ჯგუფის წევრების დასკვნის საფუძველზე.

4.2 მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულების დასრულებისთანავე მიმწოდებელი შემსყიდველს წარუდგენს წერილს, ხოლო წერილის მიღებიდან 5 (ხუთი) სამუშაო დღის ვადაში შემსყიდველის წარმომადგენლები (კონტროლის განმახორციელებელი ჯგუფის წევრები) განიხილავენ წერილში დაფიქსირებული მომსახურებისა და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულების შესაბამისობას ხელშეკრულებით დადგენილთან.

4.3 კონტროლის განმახორციელებელი ჯგუფის წევრები არაუგვიანეს 4.2 პუნქტით განსაზღვრული ვადის ამოწურვიდან 2 (ორი) სამუშაო დღისა ამზადებენ დასკვნას მიმწოდებლის მიერ შესრულებული მომსახურების ხელშეკრულებით გათვალისწინებულთან შესაბამისობის თაობაზე. იმ შემთხვევაში თუ, მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება შეესაბამება ხელშეკრულებით გათვალისწინებულ მოთხოვნებს, დასკვნის მომზადების დღევე ხელშეკრულებით განსაზღვრული პირი ახორციელებს მომსახურების მიღებას, ხოლო თუ, გამოვლინდება, რომ მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს ნაკლოვანი მომსახურება.

4.4 იმ შემთხვევაში თუ ხელშეკრულების 4.3 პუნქტის საფუძველზე არ განხორციელდა მომსახურების მიღება, მიმწოდებელს ახალი უნაკლო მომსახურების მიწოდებამდე დაეკისრება პირგასამტეხლო ხელშეკრულების მე-11 მუხლით გათვალისწინებული პირობების შესაბამისად.

4.5 მომსახურების მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

4.6 შემსყიდველი ვალდებულია წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების რაოდენობის და წუნდების მიზეზის მითითებით.

4.7 მომსახურება ჩაითვლება მიღებულად მიღება-ჩაბარების აქტზე შემსყიდველის მხრიდან ხელმოწერის შემდეგ. მიღება-ჩაბარების აქტზე შემსყიდველის მხრიდან ხელმოწერა იქნება **სსიპ - ეროვნული სატყეო სააგენტოს რაჭა-ლეჩხუმის და ქვემო სვანეთის სატყეო სამსახურის უფროსი.**

5. მომსახურების განხორციელების ვადები და ადგილი

5.1 მომსახურება (ხე-ტყის დამზადება) და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება სრულად უნდა განხორციელდეს ხელშეკრულების გაფორმებიდან **2019 წლის 31 დეკემბრამდე**.

5.2 მომსახურება უნდა განხორციელდეს ამბროლაურის სატყეო უბნის ნიკორწმინდის სატყეოს მე-5 კვარტლის მე-3 ლიტერში. (ტყეაფის №007-01-0030628).

6. მხარეთა უფლება-მოვალეობანი

6.1 მიმწოდებელი ვალდებულია დროულად და ხარისხიანად განახორციელოს მომსახურება შემდეგი პირობების გათვალისწინებით:

6.1.1 ზეზემდგომი ხის ჭრა: სამუშაო ადგილის მომზადება (ხის ირგვლივ ადგილის გასუფთავება ქვეტყისგან, ამონაყრების, ეკალ-ბარდების და ბუნებრივი ნაყრისგან). ხის ჭრა და განსახვდრული მიმართულებით წაქცევა. **ზეზემდგომი ხის ჭრის პროცესის დასრულებისთანავე უზრუნველყოფილ იქნეს მოჭრილი ხის ნარჩენების ხურგებად განთავსება.**

6.1.2 მოჭრილი ხის ღეროდან მაქსიმალურად იქნეს ამოღებული საქმისი მერქანი - მრგვალი მორი. აგრეთვე მაქსიმალურად 5 ან 6 მეტრის სიგრძის მრგვალი ხე-ტყის მორის მიღების მიზნით შოლტების დამორგა ბენზოხერხით: ძირზე დარჩენილი ღეროს ნაწილის მოჭრა -შესწორება, შოლტზე გადასატრეული ადგილის მონიშვნა და მოჭრა.

6.1.3 შოლტების თრევა ტრაქტორით ტყეაფზე;

6.1.4 ხე-ტყის დახარისხება და დაშტაბელება ზედა საწყობში, რაც მოიცავს შოლტის მიგორებას, დახარისხებას სიგრძის და ხარისხის მიხედვით, გადაჭრას სატრანსპორტო საშუალებებზე დასატვირთად, გადაჭრილი მორების ხელმეორედ დახარისხებას სიგრძისა და ხარისხის მიხედვით.

6.1.5 ხე-ტყის დატვირთვა ტრანსპორტზე, ტრანსპორტირება ხე-ტყის საბოლოო დასაწყობების ადგილამდე და გადმოტვირთვა; კვარტალ 5-ში მისასვლელი სატყეო სამეურნეო გზა გაყვანილია, საშუალო მანძილი ტყეაფიდან დამზადებული ხე-ტყის დასაწყობების ადგილამდე არის დაახლოებით (ამბროლაურის მუნიციპალიტეტი სოფ. სადმელი, სატყეო სამსახურის მიმდებარე ტერიტორია) 26 კილომეტრი.

6.1.6 ე) მიმწოდებელმა მოჭრილი-დამზადებული მერქნული რესურსი უნდა დაასაწყობოს სააგენტოს ან ხელშეკრულების ფარგლებში შექმნილი ხელშეკრულების პირობების შესრულებაზე კონტროლის განმახორციელებელი ჯგუფის მიერ მითითებულ ადგილას;

6.1.7 მიმწოდებელმა მოჭრილი-დამზადებული მერქნული რესურსი, ხე-ტყის საბოლოო დასაწყობების ადგილზე ხელშეკრულების პირობების შესრულებაზე კონტროლის განმახორციელებელი ჯგუფის მითითების მიხედვით დააღაგოს შტაბელებათ.

6.1.8 მომსახურების გაწევის პერიოდში, საჭიროების შემთხვევაში, სსიპ - ეროვნულ სატყეო სააგენტოსთან ან/და სააგენტოს ტეროტრიულ ორგანოსთან შეთანხმებით უნდა უზრუნველყოს ტყეაფამდე მისასვლელი სატყეო-სამეურნეო გზების მოვლა ან/და რეაბილიტაცია (გზის შედმოვად გამართულ მდგომარეობაში ყოფნა);

6.1.9 მიმწოდებელმა უნდა მოჭრას და დაამზადოს მხოლოდ სსიპ - ეროვნული სატყეო სააგენტოს მიერ ჭრაში დანიშნული ხეები;

6.1.10 ტყეაფზე ხე-ტყის დამზადების შედეგად მიღებული ნარჩენები განთავსოს დამზადების პროცესის პარალელურად კანონმდებლობის გათვალისწინებული წესების დაცვით.

6.2 მიმწოდებელმა მომსახურება უნდა განახორციელოს არანაკლებ 2 (ორი) სამუშაო ჯგუფით. თითოეული ჯგუფი უნდა შედგებოდეს არანაკლებ 6 ადამიანისაგან, მათ შორის 1 (ერთი) დიპლომირებული მეტყევე სპეციალისტი; თითოეულ ჯგუფში უნდა იყოს არანაკლებ 2 (ორი) მაღალი გამავლობის სატვირთო ავტომანქანა მორების საბოლოო დასაწყობების ადგილზე გამოსაზიდად; თითოეულ ჯგუფში უნდა იყოს არანაკლებ 1 (ერთი) სპეც/ტექნიკა (მუხლუხოაიანი ან/და ბორბლებიანი სპეციალური მორმთრევი ან სხვა სპეციალური ტექნიკა, რომლებიც თავისი აღჭურვილობითა და მონაცემებით განკუთვნილია მორების გამოსათრევად მცირე და შორი მანძილიდან) მორების გამოსათრევად; თითოეულ ჯგუფში უნდა იყოს არანაკლებ 1 (ერთი) სპეც/ტექნიკა (ბუდლოზერი ან სხვა სპეც/ტექნიკა) სატყეო სამეურნეო გზების მოვლისათვის (გაწმენდა და ა.შ) ან/და რეაბილიტაციისათვის.

6.3 მომსახურების გაწევისას მიმწოდებელმა უნდა დაიცვას საქართველოს კანონმდებლობით (მ.შ. უსაფრთხოების ნორმები) დადგენილი მოთხოვნები. მიმწოდებლის მხრიდან უსაფრთხოების ნორმების დარღვევის შემთხვევაში მიმწოდებელი სრულად თავად აგებს პასუხს დამდგარ შედეგზე. კანონმდებლობით გათვალისწინებული პროცედურების დარღვევების შემთხვევაში, დაუყოვნებლივ აცნობოს სსიპ - ეროვნულ სატყეო სააგენტოს.

6.4 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.

6.5 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება. 6.6 წარმოდგენილი დასამზადებელი მერქნული რესურსი საორიენტაციო ხასიათისა და (მათ შორის: საქართველოს მთავრობის 2010 წლის 20 აგვისტოს 242 დადგენილების მე-12 მუხლის მე-4 პუნქტის მოთხოვნების გათვალისწინებითაც) შემსყიდველი უფლებამოსილია არ განახორციელოს მომსახურების შესყიდვა სრული რაოდენობით.

6.7 მიმწოდებელი ვალდებულია ტრანსპორტირების დაწყებამდე დაუკავშირდეს სსიპ - ეროვნული სატყეო სააგენტოს ტრანსპორტირებისათვის საჭირო დოკუმენტის გამოწერის მიზნით. უკანონო ტრანსპორტირებით გამოწვეული ნებისმიერ სახის ზიანის ანაზღაურება ეკისრება მიმწოდებელს.

6.8 მიმწოდებელი ვალდებულია ტყითსარგებლობის წესის დამტკიცების შესახებ საქართველოს მთავრობის 2010 წლის 20 აგვისტოს №242 დადგენილებით დამტკიცებული „ტყითსარგებლობის წესის“ მე-13 მუხლის 1-ლი პუნქტის (ბ) მოთხოვნათა დაცვით უზრუნველყოს ჭრის შედეგან მიღებული ნარჩენების განთავსება.

7. გარანტია

7.1 მიმწოდებელი იძლევა გარანტიას, რომ განხორციელებული მომსახურება იქნება ხარისხიანი და შეესაბამება ხელშეკრულების მოთხოვნებს.

8. ანგარიშსწორების პირობები

8.1 ანგარიშსწორება განხორციელდება ეტაპობრივად, ფაქტიურად გაწეული მომსახურების მიხედვით, მიმწოდებლის მიერ წარმოდგენილი საგადასახადო დოკუმენტაციის და მიღება-ჩაბარების აქტის საფუძველზე, მიღება-ჩაბარების აქტის გაფორმებიდან **10 (ათი) სამუშაო დღის განმავლობაში**.

8.2 ანგარიშსწორება განხორციელდება უნაღდო ანგარიშსწორების ფორმით ლარებში.

9. ხელშეკრულებაში ცვლილებების შეტანა

9.1 ხელშეკრულების დამდებ არცერთ მხარეს არ აქვს უფლება მთლიანად ან ნაწილობრივ ცალმხრივად შეცვალოს ხელშეკრულების პირობები.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ (ხელშემშლელ გარემოებებში არ ითვლება წვიმა, ქარი, თოვლი და ა.შ.) გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 შემსყიდველი უფლებამოსილია ამ ხელშეკრულებით გათვალისწინებული მომსახურების მიწოდების ვადის გადაცილების შემთხვევაში დააკისროს მიმწოდებელს პირგასამტეხელო ყოველ გადაგადაცილებულ დღეზე შეუსრულებელი ვალდებულების ღირებულების 0.1 პროცენტის ოდენობით. (გადაგადაცილებულ დღეების რაოდენობაში არ ჩაითვლება იმ დღეების რაოდენობა, რომელიც დატოვდება 4.2 პუნქტით გათვალისწინებული მიმწოდებლის მიერ წარდგენილი წერილის მიღებიდან კონტროლის განმასრუციებელი ჯგუფის წევრების მიერ დასკვნის მომზადებას).

11.2 შემსყიდველი უფლებამოსილია მიმწოდებლის მიერ ამ ხელშეკრულებით გათვალისწინებული პირობ(ებ)ის არაჯეროვანი შესრულებისათვის, ყოველ კონკრეტულ ფაქტზე დააკისროს მიმწოდებელს პირგასამტეხელო ხელშეკრულების საერთო ღირებულების 0.5 პროცენტის ოდენობით. ამ პუნქტის მოქმედების დროს გამოირიცხება 11.1 პუნქტის მოქმედება. (არაჯეროვან შესრულებად არ ითვლება ხელშეკრულებით გათვალისწინებული მომსახურების ვადის გადაცილებით შესრულება.)

11.3 შემსყიდველი უფლებამოსილია მიმწოდებლის მიერ ამ ხელშეკრულების 6.8 პუნქტის დარღვევის შემთხვევაში დააკისროს გარემოსთვის მიყენებული ზიანის ანაზღაურება საქართველოს მთავრობის 2014 წლის 14 იანვრის №54 დადგენილების მე-10 დანართის მე-8 პუნქტის შესაბამისად.

11.4 იმ შემთხვევაში თუ ხელშეკრულების 11.1 პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 1 (ერთი) პროცენტს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

11.5 ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება ეკისრება მიმწოდებელს იმ შემთხვევაშიც, თუ ზიანი მიაღწა მესამე პირებს და ეს შედეგი არ დადგებოდა ვალდებულება ჯეროვნად, რომ შესრულებულიყო.

11.6 მხარეები თავისუფლდებიან პასუხისმგებლობისაგან:

11.6.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად;

11.6.2 ის მხარე, რომელიც ხელშეკრულების 11.6.1 პუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 (ხუთი) სამუშაო დღისა წარმოადგინოს ცნობა შესაბამისი კომპენენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს;

11.6.3 ხელშეკრულების 11.6.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდე შეწყვიტონ ხელშეკრულება.

11.7 ხელშეკრულების პირობების ნაწილობრივი შეუსრულებლობის შემთხვევაში მიმწოდებელს დაეკისრება პირგასამტეხლო სრულად შეუსრულებელი ვალდებულების ღირებულების 10%-ის ოდენობით.

11.8 ხელშეკრულების პირობების შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით. ამ პუნქტის მოქმედების დროს გამოირიცხება 11.1 პუნქტის მოქმედება.

12. ხელშეკრულების შეწყვეტა

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია განახორციელოს მთლიანი მომსახურება ან მისი ნაწილი;

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 წინამდებარე ხელშეკრულების მე-11 მუხლის 11.4 პუნქტის დადგომის შემთხვევაში;

12.3.4 საქართველოს კანონმდებლობით გათვალისწინებულ სხვა შემთხვევებში.

12.4 ხელშეკრულება შეიძლება შეწყდეს მხარეთა ორმხრივი შეთანხმებით.

13. ხელშეკრულების შესრულების კონტროლი

13.1 შემსყიდველს უფლება აქვს მიმწოდებლის მიერ მომსახურების განხორციელებისას, განახორციელოს კონტროლი. კონტროლს ახორციელებენ შემსყიდველის წარმომადგენლები: **სსიპ - ეროვნული სატყეო სააგენტოს რაჭა-ლეჩხუმის და ქვემო სვანეთის სატყეო სამსახურის 2 (ორი) მეტყევე (შემდგომში „კონტროლის განმახორციელებელი ჯგუფი“).**

13.2 კონტროლის განმახორციელებელი ჯგუფის ფუნქციებია:

13.2.1 გაუწიოს კონტროლი მომსახურების განხორციელების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შეესაბამება, თუ არა განხორციელებული მომსახურება ხელშეკრულებით გათვალისწინებულ პირობებს და/ან მოთხოვნებს. (მ.შ. – ვალდებულებებს). ამ მიზნით პერიოდულად განახორციელოს მონიტორინგი.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

14.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს („ფორს-მაჟორში“ არ ითვლება წვიმა, ქარი, თოვლი და ა.შ.), რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა დონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარდონ ყველა უთანხმოება და დაეა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. ინტერესთა კონფლიქტი

16.1 „სახელმწიფო შესყიდვების შესახებ“ საქართველოს კანონის მე-8 მუხლის თანახმად, შემსყიდველის მხრიდან ხელშეკრულებაზე ხელმოწერი პირი, აგრეთვე ვიზების დამდები პირები, ამავედროულად ვადასტურებთ, რომ არ ვიმყოფებით ინტერესთა კონფლიქტში აღნიშნულ მიმწოდებელთან.

17. ხელშეკრულების მოქმედების ვადა

17.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს **2020 წლის 18 მარტამდე.**

17.2 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, ელექტრონულად, რომლის ყოველი გვერდი ორიგინალია.

შემსყიდველი:

სსიპ - ეროვნული სატყეო სააგენტო

მიმწოდებელი:

შპს „ლება“

დავით ალადაშვილი

ლევან ბაკაშვილი